

Vuk'uzenzele

Produced by: Government Communication & Information System (GCIS)

English / isiNdebele

July 2020 Edition



Mom with comorbidity beats COVID-19

Page 5

Men must stop abuse



President Cyril Ramaphosa has read the riot act to abusive South African men, who harm women and children, saying the brutal attacks must come to an end.

Gender-based violence (GBV) has increased in the country amid the coronavirus (COVID-19) pandemic, which is affecting large parts of the world. This, the President said, means the country is waging a war on two pandemics.

Addressing South Africans recently, President Ramaphosa expressed deep-felt regret at the recent wave of fatal attacks on women of all ages.

"As a man, as a husband and as a father, I am appalled at what is no less than a war being waged against the women and children of our country. At a time when the pandemic has left us all feeling vulnerable and uncertain, violence is being unleashed on women and children with a brutality that defies comprehension.

"These rapists and killers walk among us. They are in our communities."

The perpetrators, the President said, are fathers, brothers, sons and friends. "[These are] violent men with utterly no regard for the sanctity of human life."

21 women and children murdered

Over the past few weeks, 21 women and children have been murdered.

"Their killers thought they could silence them but we will not forget them, and we will speak for them where they cannot," the President said, calling the victims by name.

They include Tshegofatso Pule, Naledi Phangindawo, Nompumelelo Tshaka, Nomfazi Gabada, Nwabisa Mgwandela, Altecia Kortjie and Lindelwa Peni - all young women who were killed by men.

"We will speak for the 89-year-old grandmother, who was

• Cont page 2



To read Vuk'uzenzele download the GOVAPP on:



Search for SA Government on Google playstore or appstore

CONTACT US

Vuk'uzenzele

@VukuzenzeleNews

Website: www.gcis.gov.za
www.vukuzenzele.gov.za

Email: vukuzenzele@gcis.gov.za
Tel: (+27) 12 473 0353

Tshedimosetso House:

1035 cnr Frances Baard and Festival streets, Hatfield, Pretoria, 0083

FREE COPY NOT FOR SALE



Ilutjha leSewula Afrika Limthombo Wekuthalo Nethemba

Amagama ka-Frantz Fanon athi 'isizukulwani ngasinye kumele sifumane ihloso yaso ngepilo' afika emkhumbulweni ngaso soke isikhathi nakumele ngikhulume nelutjha leSewula Afrika.

Akunandaba bonyana bahlala kuphi nofana khuyini abayenzako, omunye nomunye utjhiswa yitjisakalo yokutjhugulula iphasi.

Ngesikhathi bancamele ukuthuthukisa amaphilwabo, ngahlanye bafuna ukufikelela ubujamo bomphakathi ongcono nephasi elingcono. Bazibona babasebenzeli bamatjhuguluko asisekelo.

Emlandweni welizwe lekhethu kuvela bona ilutjha belisol libatjhotjhozeli bamatjhuguluko. Ematjhumini weminyaka adluleko abantu abatjha badose phambili imizabalazo balwisana nokudinywa kobulungiswa, ukusukela emtjhalweni wabafundi be-Paris ngomnyaka we-1968, ukuya egadangweni lehlangano eyayilwisana nepi yephasi e-United States ngeminyaka ye-1960, ukufikela emzabalazweni owawulwisana negandelelo yokumukwa inarha emazweni amanengi we-Afrika newe-Asia, ukufikela epini eyalwisana nebandlululo, kufakwa hlangana imiguruguru yamhlapha yokulwisana negandelelo lombuso nobujamo obungasibuhle bepilo emazweni wama-Arabhu, i-Arab Spring.

Mhlaphanje, ilutjha gade lidosa phambili ijima le-#BlackLivesMatter (iPilo yaba-Nzima iQakathekile) esele lizuze isekelo lephasiloke mayelana nesenzo samhlapha sokubulawa kuka-George Floyd lipholisa le-United States.

Eemvekeni ezidlulileko, abatjhotjhozeli gade balwela bona kususwe ngekani iinthombe-matshwayo ezibuka ikambiso yelunya yokurhwebelana ngamakhoboka neyegandelelo lokwemukwa inarha.

Emtjhalweni wamhlapha e-Oxford University, umtjhaligali bekaphethe ibhorodo enamagama athi 'Umfane-kiso ka-Rhodes awuGirizwe (Rhodes Must Fall)', okwakusimemezelosililo sabafundi belizwe lekhethu eminyakeni emihlanu eyadlulako.

Ilutjha lephasini mazombe lifumene into yinye nefanako elingayilwela. Bagiriza iinthombe namatshwayo amumethe ukunina ngokobutjhaba, bafuna kupheliswe ihlelo lefundo enegandelelo, nokwenza isimemezelo sokobana amaziko wezefundo aqalane nomraro wokukhethulula ngokobutjhaba nokungabandakanywa kwesitjhaba soke ngokupheleleko.

Ngalokho-ke, sithatha umzuzu lo sihloniphe isizukulwani sangomnyaka we-1976, namhlanje nakali-16 kuMgwengweni wee-2020, sethulela ingwani ilutjha leSewula Afrika elilama isikhathi sebandlululo, abaninilifa abafanelwe kuzuza kileligugu eliqakathekileko nesizikhakhazisa ngalo.

Umsebenzi welutjha lomnyaka we-1976 kwakukuphelisa ihlelo lefundo yabantu abanzima (i-Bantu Education); kobana ilutjha lanamhlanjisi liragele phambili nephrojekthi yokubuyisana neyokuletha amatjhuguluko welizweloke.

Esikhathini esiminyaka eza-ko kuzakuthiwa ngalomnyaka wee-2020, kwaba kuthoma kwesikhathi somlando omutjha wabantu.

Akhangela kwaphela ingo-

gwana ye-corona ibe nomthelala omumbi emaphilweni wabantu kodwana nengenisoyabo yakhinyabezeka, yabuye yakhahlameza nendlela ebegade kwenziwa ngayo izinto ephasini loke.

Indlela umbulalazwe lo obambe iphasi ngobhongwana ngakho, kube sikhumbuzo sokobana ekugcineni soke sibabantu abaphila ngokubambisana nokungalingani okungeneleleko okuphakathi kwamazwe nokungaphakathi kwelizwe lethu.

Umbulalazwe lo unikela ngethuba lokulungisa kabutjha ikambiso lapho umuntu ngamunye aziwa ngokwezanga lokunotha kwakhe, azicabangela bekazitjheje yena yedwa kodwana lokhu akuthinti abantu ngamunye kwaphela kodwana kufaka hlangana amazwe jikele.

Abantu abatjha basitjela bonyana ifundiso eqakathekileko, izwelo nobunye kufuze kube matshwayo anzinzileko womphakathi omutjha osazokuba khona, nokobana bazimisele ukuba badosiphambili bephaseli elitjha, elingcono.

Emikhulumiswaneni engikhe ngaba nayo nelutjha ngithe asikafaneli ukuqalela phasi amandla womkhumbulo, ngombana imikhumbulo ingatjhugulula kanti seyikhe yatjhugulula iphasi. Imikhumbulo ikhuthaze iragelophambili labantu begodu ingilokho okuzakusiphumelelisa ukutlama indlela etja ngesikhathi esilama sengogwana ye-corona.

Abantu abatjha laba batjhugulule imikhumbulwabo yaba zizenzo. Akhange bavumele ukutlhayelelwa ziintlabagelo kube siqabo. Bazakhele igama ngokwabo emikhakheni ethileko ukusukela kezethekhno- loji ethuthukileko ukufikela

ekunzinzeni kwebhoduluko.

Njenganje sizokutjheja ummoya wamano nobudo-siphambili belutjha lekhethu ukuletha ipengu abazokuzuza ngayo, imiphakathi yabo nesitjhaba kilehlekelele yokutlhayela kwemisebenzi.

Ngokufanako, ngiphosa ilutjha lelizwe lekhethu ngeselele yokutlama nokugwala amahlelo azosisiza ukufikelela iminqopho yethu yetuthuko.

Ngomnyaka we-1961, ilizwe le-Cuba elalidoswa phambili mavulandlela wetjhuguluko lathumela iinqhema zamavolontiya wabafundi eentabeni nezabelweni ukuyokwakha iinkolo, ukufundisa ukutlola nokufunda nokubandula abafundisi abatjha. Ijimeli lisathathwa njengelaba yipumelelo ekulu emlandweni wanamhlanje.

Abantu abatjha bekhethu bamele batlame amano wokuzithuthukisa kunye nehla-lakuhle yabo begodu badose phambili.

Njengalokha badosa phambili umzabalazo wokuphelisa ukungalinganikwefundoephakemeko, amandla abonakalako welutjha lekhethu kumele abonakale ekulweleni ukufikelelwa okulinganako kezamaphilo, ukutjhugululwa kobunikazi benarha, begodu ngaphezulu kwalokho okuqakatheke khulu bulungiswa obulawula imilandu ekhambisana nobulili.

Njengawo woke amaSewula Afrika, ngitshwenyeke khulu ngokudlanga kokubulawa kwabomma abasesebatjha, babulawa madoda. Lezi kuzizenzo zokutlhoga ubuntu ezithusako nezinganandawo emiphakathini yethu.

Ukutjhotjhozela okudoswa phambili lilutjha, ukuyelelisa nokwelulekwa ngokomkhu-

mbulo bontanga kumathulusi aqakathekileko emizameni yethu yokuruthula inturhu eqothele ubulili emiphakathini yekhetu. Ngokufanako, kumele siqinise ihlelo lethu lezobulungiswa, siqinisekise bonyana abaphehli benturhu le bayabotjhwa, imibandela yebheyili nokulitjalelwa iqinise nokobana labo abanikelwe isigwebo sedilikajele bahlale amaphilwabo woke bavalelwe.

Njengombana lokhu kutlhoga ukuzibandakanya komphakathi okungeneleleko, ngenza isimemezelo ebantwini bembaji abasesebatjha bona balwisane nenturhu eqothele ubulili. Ngaphandle kobana siphelise ukutlhoriswa kwa-bomma beSewula Afrika, ibhudango lethu lomphakathi omutjha alizukufikelelwa.

Abanye bethu abebayingcenyee yeenhlangano zabafundi ngesikhathi sombuso webandlululo sihlala sibuzwa bonyana silibona njani ilutjha lanamhlanje. Kunokulingeka ngokubuyela esikhathini esadlulako ngomkhumbulo malungana 'namalanga wedumo' lepolotiki yabafundi nomzabalazo welutjha, engeze kusabuyelelwa.

Kodwana njengelutjha leminyaka yangaphambilini elahlathulula ihloso yalo yepilo, nelutjha lanamhlanjisi lenze njalo.

Ilutjha leSewula Afrika lomnyaka wee-2020 liyahlangabezana nezinga eliphezulu elakhiwa banduleli babo. Linokuzithemba, liyabekezela begodu linesibindi, kanengi lizifumana liqalene nobujamo obubudisi.

Ilutjha limthombo wekuthalo nethemba. Ngezenzo zabo, bakha iphasi elinobulungiswa, elilinganako, elinzinzileko nelinokuthula.

Umma Onehlanganisela Yamalwele Angelaphekiko Wehlule ingogwana ye-COVID-19

U-INSAAF MOHAMMED uyelelisa amaSewula Afrika, khulukhulu lawo anehlanganisela yamalwele angelaphekiko bona bakhathalele ubujamo bepilwabo.

Silusapho Nyanda

Abantu abanehlanganisela yamalwele angelaphekiko – njengobulwele besifuba sommoya, umfutho weengazi ophakemeko, ubulwele beziso obungelaphekiko nebetjhukela – bangaba nengogwana i-corona engeneleleko (i-COVID-19), godu bangahlongakala ngobangela wegandeleleko elenziwa yingogwana emzimbenabo.

Ngetjhu, lokha umelaphi weKapa nongumma wabantwana abathathu u-Insaaf Mohammed (oneminyaka ema-40) afunyanwa anengogwana i-COVID-19 godu anobulwele besifuba sommoya (i-asthma), wakghona ukulawula ihlanganisela yamalwele angelaphekiko la begodu akhange agule khulu.

U-Mohammed wafumana ingogwana i-COVID-19 kusobentwabakhe, osebenza elabhorathri yesiBhedlela i-Groote Schuur. Indodana ka-Mohammed eneminyaka elikhomba nayo yafunyanwa inengogwana.

Ngemva kokufunyanwa banengogwana, bobathathu bazivalela ngekhaya. “Sazivalela ngekamureni yethu, lokha unosokanami – onobulwele betjhukela nomfutho weengazi ophakemeko ngetjhu ongakhange atheleleke ngengogwana – begade atjheja abentabethu ababili,” kwatjho u-Mohammed.

Ukuya ngokomNyango wezamaPhilo weTjingalanga Kapa, abantu abanomfutho weengazi ophakemeko, itjhukela nobulwele beziso obungelaphekiko



bahlangana nabongazimbi behlanganisela yamalwele okungabangelwa yingogwana i-COVID-19.

Ukufikela mhlana ama-25 kuMrhayili, abantu abanehlanganisela yamalwele alandelako bakhombisa amatshwayo angeneleleko ngokwamaphesente alandelako:

- Umfutho weengazi ophakemeko, 58%
- Ubulwele Betjhukela, 56%
- Ubulwele beziso obungelaphekiko, 17%
- INgogwana yeNtumbantonga (i-HIV), 16%
- Isifuba sommoya namkha ubulwele obungelaphekiko bokubhalelwa kuphefumula, 15%
- Ubulwele behliziyo, 11%
- Ukuba nomzimba omkhulu, 13%
- Ubulwele besiFuba, 13%
- Ikankere, maphesente amabili

- Amanye amalwele angelaphekiko, 16%.

U-Mohammed uthi ivalo elikhulu kwaba mraro wokuphefumula kabudisi okwabangelwa yingogwana i-COVID-19.

Ubeke wathi, “Kadengihlala ngidiniwe, ngikhohlela benginokugandeleleka kwe-sifuba, okwelatjha yipompo yami yobulwele besifuba sommoya. Amatshwayo wami bekangakarhagali njengewakasobentwabami, ogade aneenhlabi emzimbeni, afuna ukubuyisa, anesifuba esibophe-neko, aphefumula kabudisi, avaleka iimpumulo, anesikhohlelo esidege esifubeni nomgomani. Indodanami yaba nomgomani amalanga amathathu, kodwana yaphola msinyana bona kungaphela amatshwayo we-COVID-19”.

Umndeni ka-Mohammed gade uthobela yoke ikambiso yezamaphilo emsebenzini nekhaya, ukubalekela ukuthelelwa yingogwana. “Umndenami gade uzwisisa, unetjhejo begodu usinikela isekelo, begodu bebasilethela ukudla kwentambama ngamalanga, kodwana ngesinye isikhathi umphakathi awubi nezwelo netjhejo begodu ubuhlungu obubangwa mamezwi

atlolwa eenkundleni zokuthintana buyakhahlumeza,” kwatjho u-Mohammed.

UmNyango wezamaPhilo weTjingalanga Kapa uthi ukuhlala usela amanzi nokutjheja itjhukela eengazini, umfutho weengazi nomtjhiso kuqakathekile ekulawuleni ingogwana i-COVID-19, khulukhulu eengulanini esele zinamalwele angelaphekiko nezicaphazeka lula nge-COVID-19.

Okhunye, umnyango ululeka abantu abanehlanganisela yamalwele angelaphekiko:

- Ukusela iinhlala ngefanelo, njengombala ulayelwe ngudorhodere nofana umsebenzi wezamaphilo.
- Ukuhlamba izandla zakho ngesibha namanzi okungasenani imizuzwana ema-20, ngaphambi kokuphatha iinhlala.
- Ukungalisi ukusela iinhlala ngaphandle nayibe umsebenzi wezamaphilo akutjele bonyana ulise begodu ungabelani nomunye ngeenhlala zakho.
- Zama ukuthabulula umzimba imizuzu ema-30 ngamalanga.

Umnyango uthi abantu abanetjhukela banethuba eliphezulu lokuhlangahlangana ngengogwana i-COVID-19, kodwana ubungozi bokugula khulu buphasi lokha umuntu nakalawula itjhukelakhe kühle.

“Ngokuvamileko, abantu abanobulwele betjhukela ibagandelela khudlwana ingogwana ye-corona nakwenzekileko yabangena. Njengombana bababantu abasengozini ekulu yokungenwa yingogwana i-COVID-19, kumele bazijayeze ukuqalanganana nabantu namkha ukungayi esiphithiphithini. Ukuba nomzimba omkhulu kunobungozi obukhulu bokungenwa bulwele be-COVID-19 egandelelako. Abantu bakhuthazwa bona behlise umzimba nakukgho-

nakalako.”

Ukuphila Saka

Ngemva kokuzivalela amalanga ali-14, u-Mohammed wabuyela emsebenzini. Uthi ukuphola kilengogwana kwatjhugulula umkhumbulwakhe nendlela abona ngayo izinto epilweni.

“Uthabela khulu umndenakho nezinto ezincani epilweni. Ngifuna Abantu kinofana ngibuphi ubujamo emsebenzini babe nokuziphendulela ngepilwabo nokufundisa imindenabo nabentwana, khulukhulu njengombana abentwana babuyele esikolweni nje.

“Siza umntanakho afumane iindlela eziphephileko zokuthabela abangani, ngaphandle kokutjhidelana nabo nokubathinta. Qinisekisa bonyana umndenakho uyazihlanzekisa ngaphambi kokungena ngekhaya, tjhiya amanyathelo wakho ngegratjhi nakukghonakalako, hlubula izembatho zakho uhlambe ngaphambi kokulotjhiswa umndenakho begodu uyelele ngezamaphilo ukubavikela,” watjho njalo.

Umnyango weluleka abantu abanehlanganisela yamalwele angelaphekiko nabacaphazeleka lula nge-COVID-19 bonyana badle ukudla okunepilo, bathabulule umzimba qobe, balawule ukutshwenyeka emmoyeni, bathobele ikambiso yokusela iinhlala nokulandela woke amagadango afaneleko wokuzivikela. 

*Nawunamatshwayo amanye namanye, njengomgomani, ukukhohlela namkha ukuphefumula kabudisi, dosela umtato wesizo ngengogwana i-COVID-19 ku: 0800 029 999 namkha uthumele umlayezo othi “Hi” enomborweni ye-WhatsApp ethi: 0600 123 456.

U-Insaaf Mohammed onobulwele besifuba sommoya (i-asthma), welulamile bewehlula i-COVID-19.



ZAMVANJE NGE-COVID-19

URhulumende Ulungiselela Ukubhebhedlha kwe-COVID-19

AMALUNGISELELO AJAME NGOMUMO KWENZELWA NANGE i-COVID-19 ingabhebhedlha, njengombana urhulumende kunye nekoro yangeqadi bakha iimbhedlela zesikhatjhana, bathenga neentlabagelo zokuzivikela begodu benza isiqiniseko sokobana iSewula Afrika ikhiqiza iimphefumulisi.

Allison Cooper

Isibalo sabantu abazokungenwa yingogwana ye-corona (i-COVID-19) eSewula Afrika silindeleke ukwanda eemvekeni ezizako begodu urhulumende usebenza ngamandla ukuqinisekisa bonayana umkhakha wezamaphilo ujama ngomumo.

“Besisolo sithenga iPahla yokuziVikela (ama-PPE) evela emazweni wephasi zombebele ngahlanye sisekela amakhampalani wangekhaya ngokobana ikhiqizwe ekhethwapha ipahla le,” kutjho uMengameli u-Cyril Ramaphosa aqinisekisa isitjhaba.

“Besisolo sithuthukisa umthangalasisekelo weembhedlela, sisakha iimbhedlela zesikhatjhana besithenga imibhede engezelelweko yeengulani ezinengogwana i-COVID-19,” ungezelele kunjalo.

Ekuthomeni kukaMgwengweni, besele kubekelwe ngeqadi imibhede yeembhedlela zombuso engaphezu kweenkulungwana ezima-27 (27 000) yeengulani zengogwana i-COVID-19. Nasele iimbhedlela ezakhiwako ziphelile, iimbhedlela zesikhatjhana zizokuba nemibhede eziinkulungwana ezili-13 (13 000).

Iindawo zokukhethela ngeqadi iingulani ze-COVID-19 neembhedlela zesikhatjhana

UNgqongqotjhe wezemiSebenzi kaRhulumende nezemiThanga-



lasisekelo u-Patricia de Lille uthe:

- Iindawo eziyi-1 751 zikhonjwe njengalezo ezizokusetjenziselwa ukwakhiwa kwamaziko wokukhethela ngeqadi iingulani ze-COVID-19, lokho kuza-bhe kuhlathulula bona kunemibhede eziinkulungwana ezili-129 600 ngelizweniloke, eeyingini zoke ezima-44 nemadorobheni amakhulu abunane.
- Iindawo ezima-358 zikhonjwe ngeTjingalanga Kapa, okutjho bona zinemibhede engaphezu kweenkulungwana ezima-27 500.
- Iindawo ezima-395 zihlolve mNyango wezamaPhilo, begodu zinemibhede eziinkulungwana ezima-35 759.

- Iimbhedlela ezima-32 zePumalanga Kapa, ezili-19 za-KwaZulu-Natala nezilitjhumu zeMpumalanga sele zihlelelwe ukuvuselelwa nofana ukwakhiwa kabutjha zizokuba ziimbhedlela zesikhatjhana.
- I-Cape Town International Convention Centre, seyi-sibhedlela zesikhatjhana esingekhulu ngelizweni, esinemibhede ema-862. Samukele iingulani ze-COVID-19 zokuthoma ezilitjhumu mhlana abu-8 kuMgwengweni.
- ETlhagwini Tjingalanga, iinqhema zikhulisa iimbhedlela ngokwakha imakho yokungezelela.

Ukulungela ubujamo be-COVID-19 esifundeni se-Gauteng

UNDunakulu we-Gauteng u-David Makhura uthe isifundesi:

- sinemibhede yeembhedlela ezii-8 301 engasetjenziswa,
- silungise ezinye zeembhedlela ezikhona zahlelelwa ukwelaphela iingulani zengogwana i-COVID-19, okutjho bona imibhede yabangaguli khuli ima-555 kuthi yabagula khulu abazakulaliswa e-ICU ibe ma-308, senze amawadi wasafuthi eembhedlela ezilandelako; i-Kopanong, i-Jubilee, i-Chris Hani Baragwanath ne-George Mukhari, kwangezelelwa nge-mibhede ema-800, bekwaqinise-

kiswa bona iZiko le-Nasrec line-mibhede emitjha ema-500. NgoMrhayili, uNDunakulu u-Makhura wamukela ngokuthokoza okukhulu iminikelo ebuya kwa-BMW nakwa-Nissan ezokuzisa ukwakha isibhedlela sesikhatjhana e-Rosslyn, nge-Tshwane.

Iimbhedlela Zesikhatjhana zePumalanga Kapa

EPumalanga Kapa, isibhedlela sesikhatjhana esinomthamo wokufaka imibhede eyi-1 000 sakhiwe etatawini lezemidlalo i-Nelson Mandela Bay. Amanye amatatawu asetjenziswa njengeendawo zokukhethela ngeqadi iingulani ze-COVID-19 neembhedlela zesikhatjhana, kufaka hlangana amatatawu wezemidlalo i-Cape Town Stadium ne-FNB Stadium.

Urhulumende we-Germany nekhampani yakwa-Volkswagen bazibophelele ngokunikela ngeengidi ezili-R107 zokwakha isibhedlela sesikhatjhana eBhayi. Nasele isibhedlela silungele ukwamukela iingulani, singafaka imibhede eziinkulungwana ezine.

Iimphefumulisi

Ngesizo laborhulumende bamazwe ahlukahlukene, amakhampani neenhlango ezizijameleko, iSewula Afrika ikhona ukufumana ama-PPE wembalo ebonakalako, ezinye iintlabagelo zokwelapha neemphefumulisi.

Isiphefumulisi sokwelapha esisiza amaphaphu akhona ukusebenza. Sisetjenziselwa iingulani ezinobudisi bokuphefumula. Iingulani ezinengogwana i-corona (i-COVID-19) ziba nobudisi bokuphefumula. Urhulumende uhlome iPhrojekthi yeemPhefumulisi yeliZwelo ngoSihlabantanga, ngomnqopho wokukhanda imitjhini emineni ekhethwapha ngonobangela wokuthayela kwayo ephasini zombebele.

Sinerhuluphelo lokobana ukukhiqiza kuzokuthoma ngoMgwengweni begodu urhulumende unethemba lokobana kuzokukhiqizwa iimphefumulisi eziziinkulungwana ezima-20 (20 000) eenyangeni ezizako. Isikhwama sokuZwelana (i-Solidarity Fund) sizibophelele uku-

khupha imali yokuthenga iimphefumulisi ezima-200 ezizokunikelwa iimbhedlela ngokuya ngesidingo.

I-United States inikelele iSewula Afrika ngeemphefumulisi eziyinkulungwana, ezima-20 zazo sele zamukelwenguNgqongqotje weZamaPhilo uZweli Mkhize ngoMgwengweni. Zafakwa e-Chris Hani Baragwanath Academic Hospital ese-Soweto. Umnikelo olandelako uzokuthunyelwa eembhedlela zeTjingalanga Kapa.

IPahla YokuziVikela (ama-PPE) Yabasebenzi Bezamaphilo

Elinye lamaqaloqangi wesikhwama sokuZwelana kunikela ngama-PPE kubasebenzi bezokwelapha abanjengabodorhodera nabahlengikazi. Isikhwamesi esele sibuthelele amabhiliyoni ama-R2.61 bekubegadesi, sizise ekuthengweni kwama-PPE ekuzokuqalelelwa ngawo ihlelo lezamaphilo nabasebenzi bomphakathi bezamaphilo iinyanga ezimbili.


Nokho, kuhlala kunokuthayela kwama-PPE ephasini zombebele, iSewula Afrika nayo ibalwa hlangana. Amakhampani ahlukahlukene anikele

ngama-PPE, ekubalwa hlangana nawo i-Business for South Africa, i-Naspers, i-First National Bank, i-United Pharmaceutical Distributors, ne-People's Republic of China, iHlangano yezamaPhilo yePhasiloke (i-WHO), ikhampani ekhanda imodoro i-Ford nesiKhwama sokuZwelana.

Isimemezeliso Sokubuyiswa Kwabasebenzi Bezamaphilo

Abasebenzi abanengi bezamaphilo bazokuthlogeka njengalokha imibiko yengogwana i-COVID-19 ikhula begodu urhulumende wenze isimemezeliso sokubuyiswa kwabasebenzi bezamaphilo abangasebenziko nabodorhodere bona bathintane nomnyango wezamaphilo weemfunda zabo.

“Sidlulisa isimemezeliso kibo boke abasebenzi bezamaphilo, ngitjho nalabo esele bathethe umhlalaphasi, ukuziveza khona bazakuqatjha emsebenzini – nanoma kungaba ngekwesikhathi esifitjhani,” kwatjho uNgqongqotjhe uMkhize. Urhulumende uthumele abodorhodere be-Cuba abama-217 elizweni loke.



“Besisolo sithuthukisa umthangalasisekelo weembhedlela, sakha iimbhedlela zesikhatjhana besithenga imibhede engezelelweko yeengulani ezinengogwana i-COVID-19.”

